

Sulisogarnermut akitsuut pillugu Inatsisartut inatsisaat nr. 10, 2. november 2006-imeersoq

Akitsuummik akiliisussaataitasut

§ 1. Sulisitsisut il.il. kikkulluunniit aningaasarsiat A-t akileraarutaannik Aningaasarsianit akileraarutit pillugit Inatsisartut inatsisaanni § 76, tak. § 78, naapertorlugu unerartitsisussaataitasut inatsimmi matumani aalajangersakkat naapertorlugit sulisogarnermut akitsuummik landskarsimut akiliuteqartussaapput.

Imm. 2. Akitsuummik akiliisussaataitasunut ilaangillat naalagaaffik naalagaaffiullu suliffeqarfiutai.

Imm. 3. Sulisitsisut Kalaallit Nunaanni atortussiassat aatsitassanit pisut il.il. pillugit inatsit naapertorlugu aatsitassanik iluaqutiginninniarsinnaanermut akuersissuteqarfigineqarsimasut akitsuummik akiliisussaataitanerat atorunnaassaaq tamanna pisinnaatitaaffeqalersumut akuersissummi allassimappat.

Akitsuutip naatsorsornera

§ 2. Sulisogarnermut akitsuut, inuussutissarsiutinut atatillugu ilinniartitseqqittarnermi, sulisogarnermi ilinniartitseqqittarnerit piginnaasallu ineriartortinneqarnissaasa aningaasalersorneqarnerannut ilaasoq akissarsiarititat katinnerisa 0,9 %-attut annertussuseqarpoq.

Imm. 2. Akissarsiarititat katinnerat tassaavoq inuit Kalaallit Nunaanni tamakkiisumik akileraartussaataitasut sulisussarsiarineqarsimallutik nammineerlutik sulinerannut aningaasannorlugit akissarsiatut tunniunneqartut suulluunniit katinnerat, matumani ilanngullugit akissarsiat, feeriarnersiat, honorarit, iluanaarutinit kajumissaatitut tapisiat, kiffartulussinnarnaveequtisiat akiliutillu taakkua assigisaat.

Imm. 3. Akissarsiarititat katinnerannut imm. 1-imi taaneqartumut ilaapputtaaq siulersuisunut, ataatsimiititalianut, kommissioninut assigisaannullu Kalaallit Nunaanni angerlarsimaffeqartunut ilaasortaanermi ikiortaanermiluunniit akissarsiat.

Imm. 4. Akissarsiarititat katinnerisa imm. 2 malillugu naatsorsorneranni ilanngunneqassanngillat aningaasat sulisitsisumit aaqqissuussinernut, aningaasarsianit akileraarutit pillugit Inatsisartut inatsisaanni § 39 aamma § 40 taaneqartunut akilerneqartut.

Akitsuutip akilersinneqarnera

§ 3. Piffissaq akitsuummik akiliiffiusoq tassaavoq qaammat.

§ 4. Suliffeqarfiup akitsuummik akiliisussaataitasup qaammatit naaneri tamaasa, kingusinnerpaamillu qaammatip tulluuttup ulluisa ulluinnaasut kingullersaanni akissarsiat akitsuusiivigineqartussamik katinnerat kiisalu taakkua akitsuutissaat akileraaruserivimmuut nalunaarutigissavai.

Imm. 2. Nunalunaaruteqarneq akileraaruseriffiup immersugassiai atorlugit pissaaq.

§ 5. Akissarsiarititat akitsuummik akiliuteqaataasussat katinnerisa akitsuutitaat qaammatip tulliuuttup ulluisa aallaqqaataanni akiligassanngusaaq, ulloq piffissaagallartillugu akilernerqarfissaa kingulleq tassaalluni qaammammi akilernerqarfissaani ulluinnaq kingulleq.

Imm. 2. Akiliineq pissaaq akileraaruseriffimmut.

§ 6. Akileraaruseriffiup suliffeqarfik piffissaagallartillugu akiliuteqartanngitsoq, peqqusinnaavaa piffissaq qaammammit ataatsimit sivikinnerusumik nalunaarusiornissaa pissasoq.

Imm. 2. Aammattaaq akileraaruseriffiup suliffeqarfik piffissaagallartillugu akiliuteqanngitsoq peqqusinnaavaa akiliiffissatut piffissaliussamit § 5, imm. 1-imi taaneqartumit sivikinnerusumik piffissaqarluni akileeqqullugu.

§ 7. Suliffeqarfik akileraaruseriffimmut eqqunngitsumik nalunaaruteqarsimasoq, taamaalillunilu akitsuummik mikivallaamik akiliisimasoq paasineqarpat, aningaasat akiligassaalersut pillaammik ernialionneqarsimasinnaasut ilanngullugit peqqusinnermiit kingusinnerpaamik ullut 14-it qaangiunneranni akilernerqassapput.

Imm. 2. Suliffeqarfik akitsuummik angivallaamik akiliisimasoq paasineqarpat aningaasat akiliutaavallaartut utertinneqassapput.

Naatsorsuusiormi aalajangersakkat

§ 8. Akitsuummik akiliisussaataasup akissarsiarititat tunniunneqartut katinnerat, akitsuutip naatsorsorneqarnissaani kiisalu akitsuutip akilernerqarneranik nakkutilliinermi tunngaviususaaq naatsorsuusiugassaraa.

Imm. 2. Naatsorsuusiorneq pillugu maleruagassat erseqqinnerusut Naalakkersuisunit aalajangersarneqarsinnaapput.

Allaffissornermi malittarisassat

§ 9. Inatsisip matuma atuutsinneqarnissaa pillugu maleruagassat erseqqinnerusut Naalakkersuisunit aalajangersarneqarsinnaapput.

Pineqaatissiinerit

§ 10. Pillaammik akiliisinneqassaaq kinaluunniit piaaraluni mianersuaalliorujussuarluniluunniit:

1) Paasissutissanik akitsuutip nakkutigineqarnissaanut atugassanik eqqunngitsunik paasinerlunneqarsinnaasunilluunniit paasissutissiisoq imaluunniit paasissutissanik nipangiussiinnartoq.

2) § 4, imm. 1 aamma § 5, imm. 1-istik unioqqutitsisoq.

3) § 6, imm. 1 aamma 2 naapertorlugit peqqussinnermik malinninngitsoq.

Imm. 2. Malittarisassani inatsit naapertorlugu maleruagassiornikkut kinaluunniit maleruagassiani

aalajangersakkanik piaaraluneerluni mianersuaalliorujussuarluniluunniit unioqqutitsisoq akiliisinneqarsinnaavoq.

Imm. 3. Imm. 1-imi 2-miluunniit taaneqartut arlaat aktieselskabimit, anpartsselskabimit, andelsselskabimit, peqatigiiffimmit, suliffeqarfimmit imminut ingerlattumit, aningaasaateqarfimmit assigisaannilluunniit unioqqutinneqarpat inatsisit malillugit inuttut isigineqarsinnaasoq taanna akiliisinneqarnissamut akisussaatinneqarsinnaavoq. Namminersornerullutik Oqartussat, kommunimit imaluunniit kommunit suleqatigiiffiat unioqqutitsisimappat Namminersornerullutik Oqartussat, kommuni imaluunniit kommunit suleqatigiiffiat akiliisinneqarsinnaavoq.

Imm. 4. Akiliisitsissut landskarsip pisassaraa.

§ 11. Naalackersuisut inatsimmi matumani aalajangersakkanik unioqqutitsisoq nalunaarfigisinnaavaat suliassap eqqartuussinertaqanngitsumik naammassineqarsinnaaneranik, unioqqutitsisup unioqqutitsinini nassuerutigippagu akiliisitsissullu nalunaarummi taaneqartoq piffissaq aalajangersimasooq, qinnuteqarnikkut sivitsorneqarsinnaasoq nallertinnagu akilerumallugu akuersippat.

Imm. 2. Nalunaarummut imm. 1-imi taaneqartumut tunngatillugu aalajangersakkat eqqartuussisarnermi inatsimmi unnerluussinermik imaqartut aammattaaq atuupput.

Imm. 3. Akiliisitsissut piffissaq eqqorlugu akilerneqarpat imaluunniit aalajangiunneqarnermi kingorna akiliisitsiniarnikkut akilersinneqarpat qanoq iliuseqaqqittoqassanngilaq.

Aalajangersakkat atuutilersitsisuusut ikaarsaarutaasullu

§ 12. Inatsisartut inatsisaat ullormi 1. januar 2007-imi atuutilissaaq.

Imm. 2. Tassunga ilutigitillugu atorunnaarsinneqassaaq Inuutissarsiutitigut ilinniagaqarnermut sulisitsisut akiliutaat pillugit Inatsisartut inatsisaat nr. 16 ulloq 23. november 1989-imeersoq (AEB).

Imm. 3. Taamaattorli Inuutissarsiutitigut ilinniagaqarnermut sulisitsisut akiliutaat pillugit Inatsisartut inatsisaanni nr. 16 ulloq 23. november 1989-imeersumi maleruagassat maannamut atuuttut akiliutinut piffissamut 1. januar 2004-miit 31. december 2006-imut tunngasunut atuutiinnassapput, soorluttaaq akiliutit akilerneqarsimangitsut suli akiliisitsiniarnikkut akilersinniarneqarsinnaasut.

Imm. 4. Ilinniagaqarnermut pillugit Inatsisartut peqqussutaanni nr. 5, 14. november 2004-meersumi § 5, imm. 1-imi oqaaseqatigiit aappaat pingajuilu atorunnaarsinneqassapput.

Namminersornerullutik Oqartussat, ulloq 2. november 2006

Hans Enoksen

/

Josef Motzfeldt